



Služba za stručne poslove Općinskog načelnika i
Općinskog vijeća, opću upravu i društvene djelatnosti

Broj: 02-34-695/23
Ključ, 10.4.2023. godine

Na osnovu Odluke o broju i visini stipendija studenata u školskoj 2022/2023. godini Općinskog vijeća Općine Ključ, broj: 02-02-671/23 usvojene na XXIV sjednici Općinskog vijeća Općine Ključ, održanoj dana 31.3.2023. godine i Pravilnika o utvrđivanju kriterija za dodjelu stipendija studentima sa područja općine Ključ, broj: 05-02-2539/15 od 30.12.2015. godine, Općinski načelnik Općine Ključ, raspisuje

K O N K U R S

za dodjelu stipendija redovnim studentima fakulteta i visokoškolskih ustanova
za akademsku 2022/2023. godinu

I

Općina Ključ raspisuje Konkurs za dodjelu stipendija redovnim studentima fakulteta i visokoškolskih ustanova od I do VI godine (odnosno prvog i drugog ciklusa studija) u Bosni i Hercegovini i inostranstvu za akademsku 2022/2023. godinu, koji nisu korisnici stipendija ili subvencija za troškove smještaja i ishrane iz sredstava Budžeta Vlade USK-a ili drugih davaoca.

Za akademsku 2022/2023. godinu iz Budžeta Općine Ključ dodjeljuje se 45 (četrdeset pet) stipendija. Stipendija se isplaćuje za 10 (deset) mjeseci tekuće akademske godine, a mjesečni iznos stipendije je 100,00 KM.

II

Pravo na dodjelu stipendija po ovom Konkursu imaju kandidati:

- redovni studenti fakulteta i visokoškolskih ustanova od I do VI godine (odnosno prvog i drugog ciklusa studija) koji su u tekućoj akademskoj godini prvi put upisali godinu studija,
- koji nisu u statusu apsolventa,
- koji imaju prebivalište na području općine Ključ,
- koji nisu korisnici stipendija ili subvencija za troškove smještaja i ishrane iz sredstava Budžeta Vlade USK-a ili drugih davaoca.

III

Studenti koji su dobijali stipendije proteklih godina iz Budžeta Općine Ključ takođe podliježu ponovnom prijavljivanju na Konkurs za dodjelu stipendija.

IV

Stipendija bez bodovanja dodjeljuje se:

- studentima bez oba roditelja,
- studentima čiji je prosjek ocjena iznad 9,00 i
- studentima I godine studija koji su u srednjoj školi proglašeni Učenikom generacije.



V

Kriteriji za utvrđivanje rang-liste studenata za dodjelu stipendije su:

a) Uspjeh u učenju - studenti I (prve) godine

Za studente prve godine bodovi će se dodjeljivati na osnovu prosječno ostvarene ocjene u srednjoj školi (od I do IV razreda i maturalnog ispita) zaokružena na dvije decimale x 3 boda. Učenicima koji su ostvarili prosjek ocjena 4,70 i više dodijelit će se dodatnih 5 bodova.

Studenti starijih godina

- prosjek ocjena 6,00 – 6,49 12 bodova
- prosjek ocjena 6,50 – 6,99 15 bodova
- prosjek ocjena 7,00 – 7,49 18 bodova
- prosjek ocjena 7,50 – 7,99 21 bodova
- prosjek ocjena 8,00 -- 8,49 24 bodova
- prosjek ocjena 8,50 – 8,99 27 bodova

b) Materijalni i socijalni položaj

Materijalni i socijalni položaj će se bodovati na osnovu prihoda po članu domaćinstva kako slijedi:

- prihod od 0 – 49,99 KM po članu domaćinstva 30 bodova
- prihod od 50,00 – 99,99 KM po članu domaćinstva 25 bodova
- prihod od 100,00 – 149,99 KM po članu domaćinstva 20 bodova
- prihod od 150,00 – 199,99 KM po članu domaćinstva 15 bodova
- prihod od 200,00 – 249,99 KM po članu domaćinstva 10 bodova
- prihod od 250,00 – 299,99 KM po članu domaćinstva 7 bodova
- prihod od 300,00 do 399,99 KM po članu domaćinstva 5 bodova
- prihod veći od 400,00 po članu domaćinstva bez bodova

U mjesečna primanja ulaze sva primanja po osnovu plata iz radnog odnosa, primanja po osnovu penzije, prihod od poljoprivrede, invalidnina (lične i porodične), naknada po osnovu nezaposlenosti, mjesečni novčani dodatak dobitnika ratnog priznanja, prihod od autorskih prava, imovine i imovinskih prava kao i drugi prihodi koji podliježu oporezivanju.

c) Statusne povlastice

- Djeca iz porodice šehida, poginulih boraca, RVI, djeca dobitnika ratnog priznanja/ odlikovanja i djeca demobilisanih boraca 7 bodova
- Djeca iz porodica civilnih žrtava rata i porodica logoraša, korisnici socijalne pomoći i djeca bez roditeljskog staranja 4 boda

Kandidati imaju pravo na bodovanje samo za jednu od statusnih povlastica.



d) Godina upisanog studija

- V i VI godina studija 10 bodova
- IV godina studija 9 bodova
- III godina studija 8 bodova
- II godina studija 7 bodova
- I godina studija 6 bodova

e) Ostali kriteriji za bodovanje:

Studentu koji u svom domaćinstvu ima još učenika ili redovnih studenata dodijelit će se dodatni broj bodova i to:

- za svakog redovnog studenta u domaćinstvu po 5 bodova,
- za svakog učenika po 3 boda.

Studentima sa utvrđenim invaliditetom – tjelesnim oštećenjem, dodijelit će se dodatnih 10 bodova.

VI

Kandidati za stipendiju podnose molbu za dodjelu stipendija Općini Ključ - Službi za stručne poslove Općinskog načelnika i Općinskog vijeća, opću upravu i društvene djelatnosti. Rok za podnošenje prijave – zahtjeva na konkurs je petnaest dana od dana raspisivanja odnosno do 24.4.2023. godine. Konkurs za dodjelu stipendija objavljen je na web stranici Općine Ključ www.opcina-kljuc.ba, oglasnim pločama u zgradi Općine Ključ i mjesnim zajednicama i putem Radio Ključa.

Uz prijavu – zahtjev za dodjelu stipendije učesnici konkursa su dužni dostaviti:

- a) Uvjerenje o prebivalištu MUP-a USK-a (CIPS) ne starije od 3 mjeseca ,
- b) Uvjerenje Kantonalnog ministarstva obrazovanja, nauke, kulture i sporta da podnosilac zahtjeva nije korisnik stipendije ili subvencija za troškove smještaja i ishrane iz Budžeta USK,
- c) Ovjerena izjava podnosioca prijave da nije korisnik stipendije iz drugih izvora,
- d) Potvrda fakulteta o upisu odgovarajućeg semestra u tekućoj akademskoj godini,
- e) Za studente I godine studija svjedočanstvo svih razreda srednje škole i maturalnog ispita.
Za studente starijih godina uvjerenje fakulteta o položenim ispitima iz prethodnih godina studija sa prosjekom ocjena ili ovjerena kopija indeksa,
- f) Kućna lista ne starija od 3 mjeseca,
- g) Potvrda Biroa za zapošljavanje o privremenoj nezaposlenosti za sve nezaposlene članove domaćinstva sa kućne liste ne starija do 15 dana,
- h) Uvjerenje o prihodima ostvarenim u zadnja tri mjeseca za sve zaposlene članove domaćinstva (potvrda o plaći, penzijski ček, invalidnina iz oblasti BIZ-a i drugi dokazi o visini mjesečnog primanja lica sa kućne liste, prihod na osnovu privredne, uslužne i druge djelatnosti, dopunskog rada, imovinskih prava ili slično, kao i sva druga primanja koja podliježu oporezivanju),



- i) Podnosioci molbe za dodjelu stipendija ili član njegovog domaćinstva koji je upisan u Registar poljoprivrednih gazdinstava koji se vodi u Službi za razvoj, privredu i civilnu zaštitu Općine Ključ, dužni su uz prijavu na Konkurs priložiti i dokaz o ostvarenom prihodu po osnovu poljoprivrede ili izjavu da ne stvaruju prihod po osnovu obavljanja poljoprivredne djelatnosti.
- j) Uvjerenje o pripadnosti porodici šehida, poginulog borca, RVI ili demobilisanog borca izdato od strane Kantonalnog ministarstva za pitanje boraca i RVI - Odjeljenja BIZ-a Ključ ili Grupe za pitanje evidencija iz oblasti vojne obaveze Ključ,
- k) Uvjerenje JU „Centar za socijalni rad” Ključ o priznavanju statusa civilne žrtve rata, korisnika socijalne pomoći ili da su djeca bez roditeljskog staranja,
- l) Dokaz o statusu logoraša,
- m) Dokaz da su članovi sa kućne liste učenici ili studenti,
- n) Nalaz i mišljenje Instituta za medicinsko vještačenje za studente sa utvrđenim invaliditetom – tjelesnim oštećenjem.

Dokumentacija koja se prilaže uz prijavu na Konkurs dostavlja se u originalu ili ovjerenoj kopiji.

VII

Komisija za dodjelu stipendija dužna je razmotriti sve prispjele zahtjeve za dodjelu stipendija, utvrditi rang listu te Općinskom načelniku dostaviti prijedlog za dodjelu stipendija kao i Zapisnik o provedenom postupku za dodjelu stipendija.
Nepotpune i neblagovremene prijave neće biti uzete u razmatranje.

VIII

Odluku o izboru stipendista donosi Općinski načelnik i objavljuje se na oglasnoj ploči Općine Ključ.
Služba za stručne poslove Općinskog načelnika i Općinskog vijeća, opću upravu i društvene djelatnosti dužna je svim studentima koji su aplicirali na Konkurs dostaviti obavještenje o rezultatima Konkursa.

IX

Protiv Odluke Općinskog načelnika o izboru kandidata kojima se dodjeljuje stipendija, učesnici Konkursa imaju pravo podnijeti prigovor u roku od 8 dana od dana dostavljanja obavještenja o rezultatima Konkursa.
Prigovor se podnosi Komisiji za ljudska prava i izbjeglice Općinskog vijeća Općine Ključ.

X

Međusobna prava i obaveze između studenta korisnika stipendije i Općine će se regulisati Ugovorom o stipendiranju.

ZČ/AH

OPĆINSKI NAČELNIK

Nedžad Zukanović, prof.